

**Fimmtugasti og sjöundi fundur Heilbrigðisnefndar Kjósarsvæðis var haldinn 15. september 2020 á skrifstofu Heilbrigðiseftirlitsins á 5. hæð í Þverholti 2 í Mosfellsbæ. Fundurinn hófst kl: 17:00.**

**Mættir:** Hannes Tryggvi Hafstein, Magnús Rúnar Dalberg, Sigríður Klara Árnadóttir, Valborg Anna Ólafsdóttir, Linda Björk Ragnarsdóttir, Arna Hagalínsdóttir og Árni Davíðsson, sem ritaði fundargerð.

### Dagskrá:

#### 1. Umsóknir um starfsleyfi og önnur leyfi.

- a) Sigrún Birna Kristjánsdóttir f.h. Sólholt ehf. sækir um starfsleyfi fyrir rekstri minna gistiheimilis að Holtsvegi 2, í Kjósarhreppi.  
Heilbrigðiseftirlitið gaf út starfsleyfi fyrir fyrirtækið þann 28. júlí 2020 með gildistíma til 12 ára.  
„Staðfest.“
- b) Snorri Hreggviðsson f.h. Marlýsi ehf. sækir um starfsleyfi fyrir rekstri á matvælafyrirtæki með innflutningi á salti, markaðssetningu og sölu að Reykjavegi 70, í Mosfellsbæ.  
Heilbrigðiseftirlitið gaf út starfsleyfi fyrir fyrirtækið þann 13. ágúst 2020 með gildistíma til 12 ára.  
„Staðfest.“
- c) Jóna Björg Ólafsdóttir f.h. Líkama og sál ehf. sækir um starfsleyfi vegna eigendaskipta fyrir rekstri stofu með fótaaðgerðir, snyrtingu og nudd að Þverholti 11 í Mosfellsbæ.  
Heilbrigðiseftirlitið gaf út starfsleyfi fyrir fyrirtækið þann 13. ágúst 2020 með gildistíma til 12 ára.  
„Staðfest.“
- d) Hafberg Þórisson f.h. Lambhagi gróðrarstöð ehf. sækir um starfsleyfi fyrir rekstri á matvælafyrirtæki með ræktun salats í gróðurhúsi að Lundi í Mosfellsdal, í Mosfellsbæ.  
Heilbrigðiseftirlitið gaf út starfsleyfi fyrir fyrirtækið þann 14. ágúst 2020 með gildistíma til 12 ára.  
„Staðfest.“
- e) Eva Dögg Díego Þorkeldsdóttir f.h. Bókasafns Mosfellsbæjar sækir um leyfi fyrir stakri hundaheimsókn á bókasafnið þann 19. september n.k. samkvæmt 19. gr. reglugerðar um hollustuhætti m.s.b.  
Heilbrigðiseftirlitið veitti leyfi fyrir þessari heimsókn.  
„Staðfest.“

#### 2. Umsagnir um erindi sýslumanns.

- a) Lagt fram erindi Sýslumannsins á höfuðborgarsvæðinu dagsett 15. júlí 2020 þar sem óskað var umsagnar um endurnýjun rekstrarleyfis fyrir Natan ehf. kt. 630402-3520, fyrir rekstri gistingar í flokki II tegund frístundahús að Meðalfellsvegi 16a í Kjósarhreppi.  
Jákvæð umsögn var send með bréfi þann 17. júlí 2020.  
Umsækjandi dró umsókn til baka.
- b) Lagt fram erindi Sýslumannsins á höfuðborgarsvæðinu dagsett 17. ágúst 2020 þar sem óskað var umsagnar um endurnýjun rekstrarleyfis fyrir Laxnes ehf. kt. 520503-2850, fyrir rekstri veitingastaðar í flokki II tegund krá að Laxnesi, 271 Mosfellsbæ.  
Jákvæð umsögn var send með bréfi þann 1. september 2020.  
„Staðfest.“

## HEILBRIGÐISEFTIRLIT KJÓSARSVÆÐIS

- c) Lagt fram erindi Sýslumannsins á höfuðborgarsvæðinu dagsett 18. ágúst 2020 þar sem óskað er umsagnar um breytingu leyfisumsóknar – rekstrarleyfi veitingastaðar í fl. II – óskað eftir að bæta við útiveitingum fyrir Hlöllabáta ehf. kt. 420318-0300, sem er veitingastaðurinn Baríon Þverholti 1 í Mosfellsbæ.  
*„Samþykkt að senda jákvæða umsögn um útiveitingaleyfi en með skilyrtan opnumartíma útiveitinga til kl. 23 á kvöldin.“*

### 3. Umsagnir um skipulag.

- a. Breikkun Suðurlandsvegur frá Bæjarhálsi að Hólmsá, tillaga að matsáætlun dagsett 30.4.2020. Óskað var eftir umsögn Heilbrigðiseftirlits Kjósarsvæðis um tillöguna. Lögð fram umsögn Heilbrigðiseftirlits Kjósarsvæðis um málið dagsett 25. júní 2020
- b. Deiliskipulagstillaga fyrir frístundalóðir í landi Miðdals í Mosfellsbæ.  
Lagt fram tölvubréf Skipulagsfulltrúa Mosfellsbæjar dagsett 11. júní 2020 þar sem óskað er umsagnar heilbrigðiseftirlits um tillögu: Lóðir úr landi Miðdals, Mosfellsbæ. Deiliskipulag frístundahúsa. Dagsett 14.9.2019  
Lögð fram umsögn Heilbrigðiseftirlits Kjósarsvæðis um málið dagsett 16. júlí 2020.
- c. Deiliskipulagstillaga fyrir Dalsgarð í Mosfellsdal.  
Lagt fram tölvubréf Skipulagsfulltrúa Mosfellsbæjar dagsett 5. júní 2020 þar sem óskað er umsagnar heilbrigðiseftirlits um tillögu: Dalsgarður í Mosfellsdal, 12.5.2020. Lögð fram umsögn Heilbrigðiseftirlits Kjósarsvæðis um málið dagsett 1. júlí 2020.
- d. Deiliskipulagstillaga fyrir frístundalóðir, Heiðarhvamur í landi Miðdals í Mosfellsbæ.  
Lagt fram tölvubréf Skipulagsfulltrúa Mosfellsbæjar dagsett 3. júlí 2020 þar sem óskað er umsagnar heilbrigðiseftirlits um tillögu: Deiliskipulag fyrir Heiðarhvamur úr landi Miðdals, Mosfellsbæ, Landnr. 125323. Dagsett 28.10.2019  
Lögð fram umsögn Heilbrigðiseftirlits Kjósarsvæðis um málið dagsett 19. ágúst 2020.
- e. Deiliskipulagstillaga fyrir frístundabyggð í landi Eyjar II í Kjósarhreppi.  
Lagt fram tölvubréf Skipulagsfulltrúa Kjósarhrepps dagsett 7. júlí 2020 þar sem óskað er umsagnar heilbrigðiseftirlits um tillögu: Deiliskipulag frístundabyggðar við Sandsá, Eyjar II í Kjósarhreppi, 29.5.2020.  
Lögð fram umsögn Heilbrigðiseftirlits Kjósarsvæðis um málið dagsett 18. ágúst 2020.
- f. Efnistaka í Seljadalsnámu í Mosfellsbæ, auglýst drög að tillögu að matsáætlun fyrir matskylda framkvæmd 28.07.2020. Mosfellsbær áformar að bjóða út efnistöku á allt að 230.000 m<sup>3</sup> af efni á um 2 ha landsvæði í Seljadal. Tilgangur framkvæmdarinnar er að afla jarðefnis og fyrsta flokks steinefnis fyrir malbik á höfuðborgarsvæðinu.  
Lögð fram umsögn Heilbrigðiseftirlits Kjósarsvæðis um málið dagsett 20. ágúst 2020.
- g. Gróðrarstöðin Lundur 1, Aðalteikningar matshluti 05, tilrauna-, kynningar- og móttökuhús, dagsett 16.06.2020. Á uppdrættinum er gerð grein fyrir byggingu tilrauna, kynningar og móttökuhúss í Lundi í Mosfellsdal.  
Lögð fram umsögn Heilbrigðiseftirlits Kjósarsvæðis um málið dagsett 21. ágúst 2020.
- h. Drög að tillögu að matsáætlun vegna Lyklafellslínu 1 milli Sandskeiðs og Hamraness, dagsett 7.07.2020. Þetta er fyrsta skrefið í nýju umhverfismati fyrir Lyklafellslínu 1 en áður hafði verið gert umhverfismat 2009.  
Lögð fram umsögn Heilbrigðiseftirlits Kjósarsvæðis um málið dagsett 21. ágúst 2020.

### 4. Fráveita á Seltjarnarnesi.

Lagt fram bréf sviðsstjóra skipulags- og umhverfissviðs Seltjarnarnesbæjar. Seltjarnarnesbær fékk framlengdan frest til 1.4.2020 til að skila inn tímasettri úrbótaáætlun vegna fráveitu en þar sem úttekt og hönnun verkfræðistofu á skólperfinu er ekki lokið þá er óskað eftir frestun á skil á úrbótaáætluninni fram í október.  
*„Heilbrigðisnefnd fellst á frestun á skilum á úrbótaáætlun til 1. nóvember n.k.“*

**5. Leirvogstungumelar.**

Í bréfi heilbrigðiseftirlits til Vöku dagsett 30. júní var fyrirtækinu gefin frestur til 1. september til að ljúka tiltekt á landi fyrirtækisins á Leirvogstungumelum. Í eftirliti þann 3. september með fulltrúa Vöku kom í ljós að mikið er búið að taka til en tiltekt er þó ekki lokið. Lagt er fram erindi Vöku um lengingu frests til 31. október n.k. til að ljúka tiltekt.

*„Heilbrigðisnefnd minnir á fyrri bókun og fellst á að lengja lokafrest til 31. október til að fjarlægja alla muni og allan úrgang af svæðum 1, 2, 3 og 4. Óheimilt er að safna eða geyma bíla, brotajárn, úrgang eða annað sem óþrýði er af á svæðinu.“*

**6. Umsókn um starfsleyfi fyrir geymslu sleðahunda Egilsmóum 12.**

Umsækjendur óskuðu eftir rökstuðningi fyrir ákvörðun heilbrigðisnefndar með tölvubréfi dagsettu 13. júlí. Lagt fram bréf heilbrigðiseftirlits dagsett 23. júlí með rökstuðningi fyrir ákvörðun heilbrigðisnefndar. Lagt fram bréf umsækjenda dagsett 17. ágúst þar sem óskað er eftir 6 mánaða fresti til að fjarlægja hundana með rökstuðningi í bréfi. Heilbrigðiseftirlitið fundaði með umsækjendum þann 4. september s.l. þar sem farið var yfir mögulegar leiðir til að draga úr ónæði þar til hægt væri að fjarlægja hundana. Lagt fram erindi umsækjenda dagsett 14. september þar sem kynnt er tillaga að tímabundinni lausn til að draga úr ónæði og staða málsins skýrð frá sjónarhóli umsækjenda.

*„Heilbrigðisnefnd metur það svo að hundarnir verði að fara frá Egilsmóum 12 eins skjótt og verða má enda hafa komið margítrekaðar kvartanir frá nágrönnum vegna hávaða undanfarna mánuði. Heilbrigðisnefnd telur ekki forsvaranlegt að veita 6 mánaða frest en gefur lokafrest til 31. október til að fjarlægja hundana.“*

**7. Tjaldanes.**

Lagt fram erindi Fylkis dagsett 14. september þar sem lögð er til lausn á fráveitumálum við Tjaldanes sem myndi uppfylla kröfur um hreinsun fráveitu frá Tjaldanesi og ósk um niðurfellingu dagsekta.

*„Heilbrigðisnefnd telur að framkomnar tillögur Fylkis séu fullnægjandi lausn á fráveitu við Tjaldanes við núverandi kringumstæður og íbúafjölda. Heilbrigðisnefnd mun skoða að fella niður ógreiddar dagsektir þegar úrbótum er lokið samkvæmt áætlun Fylkis og úttekt lokið.“*

**8. Framkvæmdir við Brúarland.**

Framkvæmdum var lokið við Brúarland fyrir skólabyrjun. Verklökaskýrsla Eflu lögð fram.

**9. Asbest í Varmárskóla**

Lokið var við að fjarlægja asbest úr Varmárskóla fyrir skólabyrjun. Samantekt Skimu um athuganir á asbesti í tengslum við framkvæmdirnar lögð fram.

**10. Mengun í Varmá.**

Mengun kom fram í ofanvatnsstút frá Völuteig þann 12. júlí. Þrjár kvartanir bárust um mengunina með myndum og myndbandsupptöku. Moldarmengun kom fram í Varmá þann 22. ágúst frá framkvæmdum við Bjargslæk. Heilbrigðiseftirlitið tók gerlasýni úr ánni og úr afrennslum í hana þann 25. ágúst. Lagt er fram minnisblað heilbrigðiseftirlits.

*„Heilbrigðisnefnd felur heilbrigðiseftirlitinu að finna uppruna mengunar í Varmá. Ennfremur er heilbrigðiseftirlitinu falið að kalla eftir stöðu á fráveituáætlun Mosfellsbæjar.“*

## HEILBRIGÐISEFTIRLIT KJÓSARSVÆÐIS

### 11. Vatnsvernd.

Fundargerð framkvæmdastjórnar um vatnsverndarsvæði höfuðborgarsvæðisins nr. 131, dagsettur 5. ágúst 2020 var lögð fram.

### 12. Fjárhagsáætlun 2021.

„Heilbrigðiseftirlitinu er falið að gera fjárhagsáætlun fyrir næsta ár.“

### 13. Ráðning sumarstarfsmanna.

Málið kynnt.

### 14. Önnur mál.

Heilbrigðisnefnd bókar eftirfarandi:

*Þorsteini Narfasyni, fyrrum framkvæmdastjóra Heilbrigðiseftirlits Kjósarsvæðis, er þakkað fyrir vel unnin störf, fórnþýsi og dugnað í starfi fyrir íbúa og sveitarfélögin sem að heilbrigðiseftirlitinu standa. Þorsteini er óskað velfarnaðar í framtíðinni.*

### 15. Starfsmannamál - Trúnaðarmál.

Starfslok framkvæmdastjóra og ráðning nýs framkvæmdastjóra.

Fundi var slitið kl. 20:40.